

科尔沁右翼后旗志

四

第四章 人事

大地搏々羣生擾々溺於物競天擇之學說蔑卻古聖先哲之
至道遂致爾詐我虞此優彼劣頹風所趨情偽彌巧幾若白雲蒼
狗不可究詰道德所不能格化刑罰所不能懲除回想古代之淳
熙直如羲皇之遠不可幾及近且變本加厲倡為唯物邪說泯決
人道網紀橫流不息勢必互率世人而禽獸不止也幸我友邦日
本以東方固有道德為根幹而擷取歐美科學之精華冶於一爐
採長補短除舊布新故堪為亞洲盟主世界領導而無可訾議而
又援助我國施行王道舉凡人事罔不體用兼備政德互施此誠
人類之幸救世之黑海明燈也若夫以物質文明自詡華巧者皮



毛已耳完不如精神文明之可久可博也吾蒙人文雖鄙而天產夙饒願特闕於人事之形形色色揭而出之庶託五族協和大旗下得蒙先進指導日趨文明則吾旗雖小亦叨惠多矣爰述人事

第一節 風俗

本旗在昔狂獫相沿民風古樸無繁文縟禮之交接無沽名逐利之流習逐水草以為居人盡可親藉畜牧以為生自食其力厥後交通日密人事日繁棄固有之淳風效世尚之夸誕而又缺乏教育樸儉相承以是民知簡卑生活艱難茲幸滿洲建國宏揚王道具振聵起聾之功有移風易俗之效蔚為休風遠非昔比而況提倡文教注意宣傳生活有改善之機風化無澆漓之陋分項志

之以見社會蛻變之蹟焉

第一項 民族

一、蒙族

自清初遷入本境分台吉壯丁奴隸三等台吉為鎮國公本族壯丁則係外姓而奴隸則王公官吏所役使也建制當時戶口無可考覈但以情度之較今可多數倍無疑蓋幅員甚廣到處似有人居迄今山坳水涯墟壘頗多迨後迷信佛教披剃為喇嘛者昆季如三則有二焉因是生息日減戶口日稀清季多居於旗之南部北部極端荒涼除獸蹄鳥跡外殆不見人踪嗣經出放安鎮兩縣荒地旗民多隨公府北遷本旗外旗之界限亦不甚嚴以故外

旗蒙民始稍々來集以迄現在統計本旗原民僅四百餘戶餘均各旗之遷入者自建國後銳意招墾戶口益增康德二年地方政務會議々決凡從前遷來本旗蒙民均認為已入旗籍一視同仁由是打破門羅主義而熙來攘往繁盛可期矣

二、漢族

民國時代僅十餘戶散居各地然非與旗民有葭莩者殊難遷入獨力耕墾者尤少建國後始逐漸增加以經商者多且均聚居察爾森街康德五年夏丈放同街々基抬佃興修漢戶驟增統計四十餘戶以勢度之來年可達二百戶將來街市發展尤有激增之勢

三、日本族

建國後本旗以地處邊陲交通不使久未配屬日係官吏其僑居者更無論矣自康德二年七月片倉代理參事官來旗日系官吏逐次增多迄康德五年六月計之業十餘戶均為官吏職員仍無來旗經營他業者

四、鮮族

自康德五年起僅有二人均為旗公署職員

第二項 衣食住

衣 旗自民國元年後天災人禍頻年相尋人民生計未裕多節衣縮食以度困苦歲月故一般人之鶉衣百結襤褸不堪者觸

目皆是自建國後經濟稍紓頗改舊觀然鮮衣華帽猶無着之者
不過泰半完整耳康德四年以降人民服飾入時非復昔日之破
爛骯髒矣

查本旗地近寒邊秋冬之間即須皮棉方足禦寒若隆冬冽
人民出外必着羊裘普通不加布面其裘多老羊外露白革春夏
均着布棉衣服尚藍色忌青黑非喪葬無肯着之以入人家者至
毛絲織品殆皆官吏所服平民非素豐之家無敢若是奢華亦可
占民風樸素矣

昔時服裝着身自新迄敝不一浣濯雖服貴重鮮衣每食肉必
將手頭油漬向胸前膝上揩拭之不以為污至將前衣塗抹既黑

且光用以表示常飽肉類炫已富有也較近此風稍殺迨建國後
政府力講衛生保健人民知識亦漸開通不潔之陋習除僻壤蚩
氓外殆不可數々觀焉

清時旗民夏頂秫皮尖頂帽冬戴自製之皮帽或氈製圓帽兩
耳綴以皮毛帽頂及沿多鑲金黑相間絲布以為飾上流者戴綴
帽頸民國時代大改舊觀所冠與漢民無異近年夏則麥稻製帽
春秋輕暖經寒改帶沿氈帽冬多購皮帽上焉者非獮冠不願也
惟一般用羊皮自製禦寒帽式雖不特髦亦殊可用

旗民履為多以布類自製男布靴女花鞋式樣亦古且甚堅固
夏日操作則多跣足不以為苦女子亦多赤足或僅扱鞋習俗然

也

食 飲食為人生營養之要素 旗民食料以穀乳肉三種為主
食品而佐餐則以自種之蔬菜或購自外來有時菜類缺乏則採
山肴野蕨以代之凶荒之歲尤可藉以充腸免饑茲將各種主副
食品列志如次

一、穀類食料

小米 當地耕牧者昔感不足近以墾地日增饒有餘裕而
為普通家常主要食品殆日餐所不可缺者

苞米 秋熟較早可食青苞米至收穫為糧則輾而為糲礮
而為面均為家常食品

稷 種植晚而收割早故人樂種之碾而為米可作炒米為
蒙旗貴重食品如佐以牛乳砂糖殊甘美而耐饑旅行食
之尤便

元米 俗稱黃米其性黏可碾為面蒸為餅餌或中包菽豆
等殆農忙時主要食品也

元豆小豆綠豆豌豆以及大米等間為食品不常餐也

二、乳類食料

乳類有牛羊二種本旗以羊乳為食品者殊少大抵小兒之乳
尚無牛乳則以羊乳代之普通所食均牛乳之製法亦甚多茲
列表以明之

牛乳作品種別

滿名蒙名

製

作

法

牛奶蘇

牝牛生犢後則隔離之而擠取大牛之乳謂之

鮮奶子

牛奶皮烏勒默

由四月至九月間將牛奶置盆中經一宿凝

結浮皮揭取爆乾即成奶皮

黃油西拉套蘇

將生奶皮裝入布袋瀝出水汁後再入釜中

烤之而取所浮之油凝為黃油

黃油滓子卓黑

烤油所剩滓子味甘酸可食

牛奶膏額格德格

生奶皮下邊凝結者

牛奶乾 蘇 賚 牛奶膏入釜熬除水汁晒乾者

奶豆腐 胡勒都 用模裝成形似豆腐之牛奶乾也

酸奶子 愛拉嘎 將所取水汁和牛奶裝入壺中發酵者

牛奶酒 阿拉吉 將酸奶子裝入釜中蒸溜而得

酸奶乾 阿魯拉 將釀酒滓子裝入布袋濾汁晒乾者

乾奶皮 好賚烏勒然 由十月至翌年三月間將牛奶煮沸取出浮

皮凝結而取者

酪 乾 胡爾馬嘎 乾奶皮下之乳再入釜中熬之蒸去其水分

炒乾成酪

奶子醬 他拉嘎 將奶裝罈中置久熱處使發酵而成

三、肉類食料

各旗風尚雖稍異完以食羊者多蓋以肉既肥美宰殺亦易其次則牛肉再次為鷄豚如烏珠穆沁等產馬多處亦常宰馬為食而佐之以小米如本旗則迭經變亂牛馬頗歉普通多食羊然非酬應賓客或四時令節不肯輕殺也有之則為豪富者應視為不多見事非如古昔之以肉為日常必食品矣

沿河居民多罾魚如鯽鯉赭鯉雙嘴子菜龜等四時可得亦肉食中之大宗也

四、佐餐食料

1. 蔬菜類

地豆、白菘、蘿蔔、豆角、冬瓜、茄子、韭菜、芹菜、

香菜、生菜、角瓜、倭瓜、葱、蒜、菠菜、芥菜等

2、人為菜

綠豆粉條、包米粉條、地豆粉條、酸菜、鹹菜、

豆腐、乾豆腐等

3、野菜類

木耳、雲盤蘑、花臉蘑、金針菜、地環、車輪菜、

線菜、哲麻菜等

住 在昔游牧時代多無固定處所逐水草以為居備有蒙古包其形上銳下圓殆如帳棚之可隨處遷移洎後亦建居室盡為

土平房十九狹隘現在較整潔然不注意墻垣村屯尤欠齊一近以改造農村建設集團部落為旗當務之急不久必有可觀也

第三項 家族關係

旗民倫常觀念甚重雖兄弟析居者佔多數然弟之敬兄婦之從夫子之孝親觸目可見家庭極少勃谿

因趨於小家庭制故對父黨母黨無大軒輊不似漢民之父黨尊而母黨親也

婦之操作其劬勞不減於夫往々夫不事生產而婦猶能支持門戶早婚者尤少惟訂婚聘禮極鉅現正設法改革中父母對子女教管甚嚴而尤以尊長敬老為常訓

兄弟怡々者多鬪墻者少雖有時情感乖違僅不過不通往來從無以爭產涉訟公庭或惡聲相向等事情亦可見民風之厚矣

第四項 娛樂趣味

大抵娛樂不出賽馬角力唱歌三種賽馬者須有良馬角力者須具蠻力而唱歌則普通人類皆能之尤以婦女之曼聲抗調為最嬌々動聽也試分志其梗概

1. 賽馬 賽馬分組為之由各組賽勝者再集而決賽距離大抵均在五六里外往復馳騁獲勝利者榮乃趨象王公等或加賞賽馬舉行之期多在廟會之際近年本旗良馬已少故此風稍熄建國後每於歷年春秋體育運動會作餘興復

引起人民興味

2、角力 角力亦乘廟會機會為之初選多人相角敗者退勝者與其他角旋剩勝者與勝者角而最後之勝者衆莫之敵方為真勝當角逐時環而觀者均高歌助興響遏行雲聞之殊壯快也查古稱相撲為戲近世稱摔跤旗方角力二人相持以倒地者為負即相撲之遺意也旗當局以關係人民體育認為犯而不校君子之爭應提倡之故列於每季體育運動項目內

3、唱歌 於歡宴時必唱以侑酒配以絲琴（即四弦胡琴）悅耳怡心而鄉農牧豎每當斜陽晚歸之途不斷高歌

山谷應聲想見成吉思汗立馬高峯臨風長嘯之概令人聞之亦淒亦壯

至於樂器近漢化矣無可紀述所謂胡笳古稱名樂器近人多不知為何物

此外家庭娛樂品有碁紙牌等每於農閒時為之

第二節 禮儀

孔子云富庶而後教之孟子云富歲子弟多賴管子云倉廩足而民知禮節衣食足而民知仁義由今思古雖聖賢豪傑莫不以禮儀為立身對人之本然必有所憑藉方足以淑身修己化民成俗也本旗迭遭凶荒幾更事變民力竭矣民志頹矣人情風尚日

趨偷薄矣良以謀生之未暇遑有餘力講雍容揖讓之美冠婚喪
祭之文耶夫聖人平物我之情息天下之爭內則以仁外則以禮
軌近中國醉心歐化禮制廢棄大小相踰淫侈無度其見侮於世
也宜哉滿洲帝國崛起機械不張固塞不樹而國宴然而安於磐
石者亦曰崇禮而已蒙旗由元迄今七百餘年所以繫維人心融
洽輿情者自必有特殊之禮俗在不可不擇要志之

第一項 婚姻

蒙古同姓絕對不許通婚惟內蒙為然而外蒙則否蓋元太祖
成吉思汗有女而美其弟哈佈圖哈薩爾不悉其為猶女也悅而
娶之太祖以愛弟故不之嗔且贊許焉哈佈圖哈薩爾深自愧悔

由是改氏為博爾濟吉特氏以別於博爾濟根氏是即内蒙外蒙
姓氏之由分也内蒙同姓不婚亦即緣此歷代因之以迄於今本
旗人民婚姻禮制約分三期一即訂婚時期先由媒妁介紹名曰
保媒兩姓同意之後即由男家擇定吉日備酒肉哈達等類遣人
携媒妁至女家於佛堂燃燭拈香復與女父母酌酒納哈達以致
賀而婚姻遂定決無更改二為納采時期婚姻既定男家邀請女
家及媒妁人等設宴招待同時納財禮於女方但財禮或款或物
或多或少殊不一致若王公世胄則以白色駱駝為首而以九九
數之牛馬羊納為財禮其他殷富者則以三九頭二九頭遂時而
異如有陪送媵女者每名加畜五頭並須講定於親迎時應送豬

酒數量此謂之過禮宴三為親迎時期屆應結婚之年男家請星
士擇定吉日用箋書男女年庚嫁娶日時名曰婚帖並註明禁忌
何人屬相出行方向各項極為詳備比及親迎男家備豬酒送之
女家新郎服新衣佩弓矢乘馬至女家邀少年陪乘數名時女家當設
宴邀請戚朋隣里會飲起程之日女家須設豐席為新郎及女餞
行新郎乘馬前導女則以紅巾蒙首嫂妹行挽扶升輿延有喇嘛堂
前南面坐誦佛經謂之淨路新郎及女週行三匝射矢下馬謂之
出行新郎燃菸烟與女同吸謂之認伴侶女家亦用喜儀俗名送
親客迨抵男家候吉時降輿紅氍鋪地女僮相扶新婦踏行其上
至堂前設喜案名天地棹兩新人叩拜謂之拜天地次詣佛堂叩

拜訖又至舅前叩拜其次拜見翁姑家中尊長以及拜認親黨等以別尊卑長幼斯時也新婦妝奩什具送入洞房安排就序新婦歸洞房更換服飾男家備喜筵以宴嘉賓晚間新郎新婦並肩列坐以紅繩兩端各繫杯一杯中一盛酒一盛牛乳互飲謂之交杯飲後對坐食麵謂之長壽麵合巹禮成越一月或二月新婦偕新郎歸寧母家謂之回門新郎先歸新婦住母家逾月始歸此本旗婚俗之大概也近來雖有新式婚禮而鄉村仍沿用舊禮然貧者亦甚簡略不盡鋪張也

康德五年九月中況本旗鑒於婚俗不良多索財禮之陋習經提出改善婚俗限制財禮意見由旗務會議々決通過改善辦法

並擬具佈告令行週知茲附志如次以覘後效

改善婚俗限制財禮意見

查本旗兩姓訂婚往往由女方需索聘禮牛羊若干頭馬若干匹錢帛又若干額一經定妥小康之戶幾致傾家貧窶者勢必望而中止此雖係兩方情願為法所不禁但頽風所播富者有力可以娶妻窮夫將成終身鰥魚矣况如此互相效尤女索財禮男講妝奩是謂之買賣式之婚姻大失妾覓終身伴侶之真義此為政者所以移易風俗責無旁貸者也然則改善之法奈何乎

一、尊之以德必官公吏士紳等以身作則



664838

一、齊之以禮須明定訂婚索要財禮之限制

從前蒙政部時代曾有限制之令近日我省方亦曾重申前令
但言之諄々聽之藐々迄未生效茲應如何明定限度之處應
提請公決

附議決改善婚俗限制財禮佈告

蒙旗婚姻制度 原有許多不良 全由親長作主

本人無得主張 男女不能面看 盡聽媒妁鼓簧

更有索要財物 開口牛馬肥羊 多至牛馬十數

賒以錢款衣裳 富家訂婚有力 窮丁不免望洋

因而終身鰥居 曠夫怨女堪傷 兩姓愛好結親

爭多論少不強
訂婚式同買賣
實與旗人無光

耽誤幾多青春
人口生殖遭殃
古時良風善俗

必不如此荒唐
當今王道盛世
最重禮義綱常

訂婚多要財禮
是與禮義乖張
不良即當速改

官民一致矯枉
自此佈告之後
不得再踏故常

本署明定限制
財禮不論牛羊
惟以國幣計算

不逾二百限量
倘核額過二百
定以違令罰鍰

尤望地方明達
善體此意提倡
本署言出法隨

決定認真去辦
仰爾四民人等
此後不可再犯

若是旗下惡風
必可即時丕變
觀感樹之模範

推行鄰旗近縣

或行或違自擇

總期勿蹈罰限

合行佈告通知

其各凜遵乃盼

康德五年九月二十四日

第二項 祭祀

旗民祭祀大抵分家祭社祭之二種家祭者祀祖及佛包穆拉濟雅齊皂神等是昔不祀門神近年外旗蒙民入旗日多習染漢化遂並祀之社祭者為祭汗山鄂博神樹等

一、祀祖 敬先追遠逢節必祀々必以楮醴香錠等物焚化其墓前如上元（舊一月十五日）端午中元（舊七月十五日）中秋下元（舊十月一日）等節目是也至年闋祭祀尤極隆重一切香燭供品須經六日始撤除除夕在祖前跪拜訖則幼

拜長以別尊卑也且寓賀歲意每祀祖必延喇嘛誦經剪絲棉條置四中供祖前謂喇嘛持經後可變為足錦以資冥用也對雙親故後之生辰忌日亦必祀之惟不若歲除之隆重耳

一、祭佛 每月必向佛前燃香一炷終日不絕並以牛乳油燃燈置佛前如延喇嘛誦經則擺設供品供品為炒米麵菓等度歲則設供焚香禮意尤虔

一、祀色穆拉濟雅齊等神 均在年闕以牛乳煮粥並須燃燈而以五色布帛等類設神前而跪拜焉

一、祀皂 按月祭祀一次如在年闕尤極隆重香燭酒肉供之並跪拜以迄萬曆一月五日始終祀俗有過小年之諺過小年

者在舊十二月二十三日夕設供品送兒升天或以米糖奠之謂可糊兒神之口免譏言也

一、祀門神 在度歲時窓外置麩燈一盞即為門神而設者

一、祭汗山神樹 無定期例必年祭一次遇大旱祀之以祈雨多有應馬祀時必以牲亦蒙旗殊風也

一、祭鄂博 為蒙旗會祭之大典上迄王公下逮黎庶於祭時必往參列尤須延喇嘛誦經鄂博四週高張五色旗幟臨風獵獵而牛羊等祭品分陳其下祭畢眾圍坐以享神餘盡一日之懽而散（可參看鄂博欄）

第三項 喪葬

本旗喪葬之禮仍沿舊俗惟以貧富不同而禮亦遂有厚薄殷實之家於生前將衣寢棺槨預置完備而貧者則於亡後張羅當疾革時子孫家族及戚友之闕切者環守之以俟氣絕由牀易簣以金銀寶物納口中以鎮惡氣又用白布蒙面家人咸伏地哭泣畢即遣人分赴戚族鄉里送信謂之報訃仕宦之家且備有訃聞哀啓等請喇嘛誦經謂之指路將亡屍用白布纏裹納諸棺中謂之入殮將生前之衣服靴帽及愛惜物品均擺置棺旁以殉葬靈前設供桌燃燈燭日夕不熄子孫遵禮成服々尚黑去冠頂戒修容剃髮見長兄不請安一日三次哭奠延喇嘛誦經三日或五日謂可超度亡人早昇天界戚友等皆持楮儀奠於靈前以表吊唁

至擇日殯葬槨送窆窆帛者從送每七日子孫必往塋前哭奠至
七七日除服乃止此土葬也若夫火葬以火煉其屍將骨裝於囊
中送之五台山瘞焉其義則以五台係佛地可常被佛光也如極
貧之戶殯葬無資則以勒々車載馳郊野墮於何地即認為吉壤
置之而去近來此風已息

第四項 酬酢

新年互相賀歲必以酒菓招待各家皆然又於春正設筵以宴
親鄰即古鄉飲之遺風也每有喜慶如娶婦嫁女生育子女親朋
致賀則亦設席以待惟豐嗇不同須視當事者之境遇耳平時除
遠方艱會之戚友講求招待餘概無之

第五項 節令贈

旗俗於新年多送麩菓等類互致賀忱端午則贈角黍鮮果中秋則贈月餅水果瓜類此外每於平時互贈甘鮮食品或乳類肉類亦見風俗之厚而尚禮矣

第三節 生活狀況

蒙旗地大物博昔賴天產豐富謀生較易然而生活之程度以文化為比例文化低下生活亦即簡單農工商賈均不講求惟一維持生計者厥為畜牧次則伐木砍柴耳數十年來本旗人民一再遷徙且更事變牲畜損失殆盡致一般生活狀況極為艱窘對衣食住猶拮据萬分以言享樂更無論矣近自建國日異曩時良

以政府賑濟兼施且力謀開發產業振興農村故蓬勃氣象遠勝
從前擊壤鼓腹蔚成盛代之休徵絃歌雅化饒有隆古之遺韻吾
旗遭逢幸矣願官民其勉旃爰撮要以志旗生活一斑如下

第一項 農業

蒙古民族原來咸以游牧為生故有擇水草肥美而遷居之習
慣即常棄此適彼即不適於耕墾為政者對於農耕尤無講求之
者前清天聰九年詔編佐領近邊各旗始有固定旗界然各蒙旗
就本旗境內經營牧養仍賴天然物產之牛馬羊而維其生活迨
至康熙初年漸有內地漢民來旗試行墾植五穀之舉惟彼時禁
令綦嚴每年出口人數及其年齡籍貫須詳報經過各關口當年

秋穫之後所來耕地者必須儘數回籍不准逗留口外故出口時不准攜帶婦女也嗣後日久年湮各旗咸悉耕地之利闢地遂日廣禁令亦漸弛廢本旗鄰近郭旗郭旗又毗連漢縣乾隆年間有借地養民政策故各旗相繼放荒郭旗旋亦出放荒地之一部因與漢農接近機會日多互相牽引本旗遂亦興墾植之舉不專側重牧畜也但旗民可招漢佃年收地租坐享其成不勞而獲孰則不願以故習染成風不欲勞力雖耕墾有年仍無進步洎清季本旗出放安廣荒地繼又出放鎮東荒地人民相繼遷來北部未放段內以此境內熟田甚少農耕事業幾無可述然以鄰接縣境有所觀摩糧穀價昂致富可期旗之東部闢地漸多北部效之亦大

收農利及大同年間頻遭水患以迄康德三年又復受旱害霜雹之災人民既耕地幾將荒蕪遑能新墾幸國家迭施救卹農事未能廢墮年來招墾因之闢地日廣幾倍從前而治安確保鄉村亦少顧忌況產業之指導救助着々實施在此國家之五年產業發展大計劃下本旗農業進步當有蒸蒸之勢焉

耕種法極為簡單幼穉自康德三年度旗營農事試驗場設置優良種籽之配付試作採種以資農民耕作指導漸有成效本年則實施種籽消毒及病蟲害預防法之宣傳普及一般農民已漸明瞭努力於農業矣

第二項 牧畜

初本旗官民所養牲畜甚夥惟不諳改良畜種以致日趨劣下
壬子之變相率避亂北蒙往返萬里損失殆盡二十年來元氣猶
未盡復建國後牲畜漸有繁殖增益而改善畜種講求增產問題
遂起康德三年春購入巴苦夏豬種六頭四年夏購入貸付牛六
十四頭五年春又購入美麗諾種羊三十頭而又新建種畜場對
於改種防病增產各部門極力強化務達成畜產優良限度同時
獎勵種馬今後本旗之牧畜事業較諸各旗可無遜色矣

第三項 商工

本旗土地遼濶人民稀少加以自大同二年以降水旱頻仍民
力疲敝已達極點故於商工業殆無可言邇來治安確定農民漸

已達成自給自足能力故從事於商工業者稍形活動然亦寥如
 晨星康德五年度以旗公署所在地察爾森劃定街市并與人民
 以種々便利以期商工業之發展地方之繁榮此後愈益向上或
 可期待也

商工業調查表（大分類）

康德五年十月一日現在

職業別

滿人 日本人

計

滿漢人蒙古人內地人

男 女 男 女 男 女

男 女 計

林業從事者

六

六

六

六

非金屬鑛業從事者

五

五

五

五

土木建築從事者

一

二

二

二

商業從事者	一六	三	一	一	一六	三	一九
通信從事者	一	四	一	一	四	一	四
官公雇傭員	一四	八五	七	一〇六	一〇六	一〇六	一〇六
運輸從事者	一	一	一	一	一	一	一
醫療從事者	一	六	一	六	一	六	六
書記職業從事者	一	一	一	(鮮)一	一	二	二

第四項 社會事業 鹽 度量衡

自康德四年度設立交易局以辦理社會事業如售賣專賣品
 統制山產等地方頗稱便利而最堪惹人注意者厥為食鹽及新
 制度量衡問題是也

查蒙鹽產量甚巨往昔本旗人民以車運自烏珠穆沁等地除自食外尚可販售建國後鹽歸國營然對蒙民食用予以種々便利價格低廉且由交易局購到散放各努圖克公所而轉售與民間現在滿民食鹽每斤價為七分蒙民則僅三分良以鹽係蒙產故國家賦予蒙民以優益也

本旗舊用度量衡頗極複雜即斗一項有兆斗有江斗有本地斗之三種其他更無論矣年來旗署亟思改用新制第以人民積重難返不能操切從事近以對用新制度量衡極力宣傳俾一般澈底明瞭庶應用不生障害茲考時機已至而國家又督勵甚嚴故於康德五年九月一日起普及施行將舊有之度量衡廢棄而

將訂購新度量衡器分發各努圖克令人民自由使用但此不過
為初步提倡更在計劃為人民代購以便推行普遍是蓋由旗署
監督之下由交易局主辦者其成績殊堪期待也

第四節 傳記

人物者鐵中錚々庸中皎々所以領袖羣倫表率風教者也或
作國家干城之選而功施爛然或稱蒙旗翹楚之材而衆望所孚
或以先覺々人或以德化々人是皆當筆之於書用昭不朽以記
一時之盛而垂未來楷模所以示勸善獎有功也本旗自開疆以
來代有才智之士故老相傳頗多可歌可風之遺事然以文獻無
徵不克採入志乘賢豪湮沒今古同悲往者已矣未來者不可知

矣茲惟將當時所認為旗中人物而為一般人所欽仰者撮要志之以見索陽洮左地靈人傑賢達輩出方興未艾也

第一項 人物

巴彥那木爾 號子春姓博爾濟吉特氏世居本旗南部洮河右岸之梭不拉嘎村（即今安廣之陵界）乃前扎薩克拉公之猶子也以拉公無嗣啓年入繼在蒙文義塾肄業壬子之變拉公避地北蒙事平輾轉至燕京本旗之政以台吉烏蘇庫佈彥授管民國六年拉公薨於京邸氏迎柩送葬極盡人子之禮迨氏十氏年及壯得襲世爵為鎮國公兼充本旗扎薩克離亂之餘凡百經營無異草創乃氏親民禮士措置裕如大同元年得任本旗之長迄

今已逾七載施政務持大體氏狀貌魁梧性情慷慨主政臨民一掃王公貴族觀念望之起也然而即之則和藹可親尤深蘊民族協和理想蒙旗之模範人物也現年僅三旬有奇前途正未可量也

伯喜那森 濟祿特氏本姓吳統鶴年又別署元恒生於旗南部洮河右岸之哈坦營子父為本旗名紳氏昆季三皆幼受趨庭教惟氏穎悟異常自少即頭角崢嶸為鄉里所稱道光緒二十二年甫達八齡即入塾讀書同三十二年出塾對漢蒙文字造詣殊深宣統元年投身政界充本旗公署筆帖式三年升充筆帖式達斯特也以安廣鎮東放荒設治全家北徙卜居東巴達嘎村民

國三年升充本旗印務扎蘭民十七升任印務梅倫民十九改升
旗務梅倫建國當時奔走蒙旗自治旋加入建國運動大同元年
得充興安南省總務廳官產股長委任三等二年轉任民政廳畜
產股長叙八級俸康德二年八月退官還旗同時被命為本旗內
務科長氏頭腦清新其性謙和熟諳掌故擅長交際為旗民最所
屬望之人物也現當知命之年不減少時風度於公務之暇猶潛
心日文康德五年春曾東渡見學著有東渡感想其涵泳協和理
想可見一斑矣

壽明阿 次章玉亭本旗台吉也幼聰敏好雄辯每抵掌談古
今輒慷慨激昂娓娓動聽清光緒季葉被命奔走旗務活躍於外

交之途與各方極稱融洽因之交遊亦廣民國二年擢任本旗協理台吉並蒙中央封贈輔國公銜民五被各旗選舉為衆議院議員對蒙旗興革侃侃建議不稍顧忌蒙疆賴之民十解任歸旗指導旗政故本旗改善政務之黜頤多民十九任蒙邊督辦公署蒙務處長迨九一八事變當時崛起倡導蒙古自治旋加入建國運動大同元年興安總署成立被任為政務處長康德元年改任蒙政部民政司長康德三年轉任興安南省省長今已二載餘矣政績日彰道路皆碑功業前途正未可量也查氏狀貌魁偉頭腦新穎語多妙緒見解亦甚高超是蓋本旗第一流人物也

烏思虎佈彥 本旗壬子之變扎薩克拉公出走時當離亂之際

人心慌然不能安居氏以台吉資格挺身而出撫慰有衆地方賴以救安因之輿情屬望國民政府覃加鎮國公封爵并命代理扎薩克職受命後益肆力於招集興復數年中昕夕勤勞旗政日進漸復舊觀氏五以功晉秩貝子銜時拉公由北蒙輾轉至京供職國府民文薨於京邸乏嗣氏不忍其統緒中絕也遂召親族耆老共議擇嗣選族中優秀者過繼且呈准國府仍襲爵號迨民十嗣子成立即將扎薩克職推讓而自甘退閑以終老焉哲嗣清蘇克圖克繩祖武卒業於奉天蒙旗師範建國後歷充官吏及努圖克達等職頭腦斬新絕無王公世閥習態殆烏氏元宗之子而地方後起之秀也孟子不云乎富貴不能淫貧賤不能移威武不能屈

此之謂大丈夫如氏之不貪勢不矜功不畏難英明恬淡始足以當之矣

濤達孟軒 為台吉中之有品望者清宣統中充本旗書記民國六年調充留界清丈局委員長民九調充本旗駐鎮東天興地局員民十四改充駐安廣天安地局員民二十升本旗印務扎蘭大同元年旗公署組成任文書股長康德元年升充天安地局局長嗣改駐安廣征租局長以迄今茲氏持重寡言富毅力征租之成績斐然殆本旗之優秀者其子慶極儒模圖充旗公署會計股長亦頭角嶄然有為青年也

嘎力迪 漢名陶景春擅長蒙文清光緒三十三年充旗書記

民國九年升印務扎蘭民十八升天興天安兩地局長長民二十
調充印務梅倫大同元年新旗公署組成改充技正大同二年充
警務科長康德元年改任旗立第一校長嗣不願任事退職家居
氏數年來閉門謝客以習練滿文自娛隱逸流亞也

蘇克都爾 號良傑原居本旗圖魯嘎齊後遷至額爾格圖氏

嫻滿洲文而蒙文亦可冠全旗清光緒十九年充本旗書記二十
八年升印務扎蘭三十一年升印務梅倫民國四年升管旗副章
京民十五任天安天興兩地局長長民十九升任管旗章京大同
元年任旗總務科長康德二年以病退職旋謝世氏工心計長吏
務本旗東部推為良士倘天假之年尚堪有為也

巴嘎圖爾 漢名趙錫九東科前旗籍遷入本旗二十餘載在
新愛里及好坦扎拉嘎壑地數百垧係以農起家建國後充第四
努圖克達康德五年夏以病暴卒於察爾森辦公寓次氏手腕靈
活性情豪爽地方人民屬望甚殷且交遊甚廣有扶正忘邪之概
惜年未及命遽以不起迄今東部人民猶稱道不置云

第二項 氏族

蒙古氏族分台吉壯丁奴隸之三種其制概始於元太祖成吉
思汗時代太祖直系子孫為博爾濟根氏即外蒙台吉姓氏也其
弟哈佈圖哈薩爾支派博爾濟格特氏即內蒙台吉姓氏也而被
太祖征服之諸部落大抵有吐爾扈特、烏梁海、哈爾奴特、

科爾齊特、紀祿特、薩拉珠特、模爾合特等氏其名甚夥難以殫述此諸部民族均稱為胡雅噶（即甲兵之義）滿名壯丁是即以部落為姓氏也台吉壯丁出征俘擄男女或媵女所出者均為合布特（即奴隸）此等人雖隨主人姓氏但不許入軍伍尤不許充當官吏建國後始解放奴隸制度而儕於平民

自近世台吉則稱包姓蓋由博爾濟之博簡稱轉音而來故稱包姓博姓已姓無定也至如哈字則或哈或韓伯字則或白或博亦由簡稱而得或稍轉音也餘可類推

第五節 懿行

管子曰禮義廉耻國之四維四維不張國乃滅亡孔子曰人之

親其親長其長而天下平蓋孝弟忠信禮義廉耻為人道之大防
所以正倫紀厚人心敦風教也慨自歐風東漸美雨西來務新之
士震於物質文明蔑棄固有文化厥故喜新捨本逐末遂致人情
浮薄國事紛呶如今日之中國日趨滅亡一途良有以也滿洲建
國步但友邦保持東方固有道德且發揚而光大之故迭次表彰
孝子節婦嘉言懿行之士孰不聞風興起以邀曠典沐殊榮耶夫
風行草偃上好下甚人之情也昔周武之興對比干之墓表商容
之閭而民知所趨號稱盛世今世方風雲險惡國際杌隉白種天
驕赤化地靈尚舉全國之力猶恐難適應環境若乃志趣互異勢
等散沙庸有幸乎孝弟忠信禮義廉耻者可以親上奉公可以有

勇知方可以一德同心可以重國輕身吾國條舉月張而冠之以
王道可謂知所本矣曩者本旗亦曾奉調查地方仕女懿行報候
表彰之令委以旗務尚未就緒不遑及此苦請孤行者未免湮沒
非所以勸善旌德上副國家誥之征詢之意也茲幸編修旗志採
擷懿行則雖未遑

宸扉邀彤管之殊榮爰登青簡作梓里之雅望倘後之觀風問
政者知所採擇是亦不無小補云爾

第一項 孝弟

竊惟十室之邑必有忠信深山空谷實生芝蘭潛德幽光既表
見之良難廉頑立懦當闡揚之勿緩本旗地雖僻壤人多道義第

以村落零星遂致有美弗傳滿洲建國崇尚王道敦教化以革澆俗彰節孝而重倫紀舉凡荒村僻陬匹夫愚婦行有可嘉事有可風者莫不優予褒揚錫諸榮賚故人多激勸俗近淳熙本旗亦嘗奉令調查地方懿行士女奈以言文隔格人懷觀望茲復加採訪仍復趨趨莫願實陳故結果所得寥寥為急待叙入志乘不遑久俟滄海遺珠知所難免尚冀後之觀風者博求之耳

孝子 佈力諾者本旗額爾格圖屯人年七歲父病故家清貧乏恒產稍長知孝母每事必順親心且力作思得資供母甘旨比長事親無倦雖歷艱辛不令母聞恐傷親心也遇令節必曲意承歡擇娶必以賢思娛親也對人無忤保身自愛凜辱身及親之戒

也每自恨失學常對人言以不能揚名顯親為恥每饗殮不繼常斷炊然待母之美餐終無缺乏中年後家小康益勵孝道鄉人賢不肖咸樂稱之嗚呼可謂純孝矣努圖克達曾據實報聞但格於呈具事多簡略未獲褒揚今又數載彰善癉惡化民成俗史氏職也孝思不匱永錫爾類人道然也故撮要志之以明激勸


第二項 貞烈

節婦 西勒嘎爾佈適察爾森屯包氏年十九夫病故家甚貧遺有婆母及襁袍子族黨皆疎伯叔咸無父母欲奪其志不可力操女紅以供養贍上事哀姑下撫孤兒孑然獨勞不以為苦居恒簡出非戚故之年長者不見松筠之節冰霜之操歷久彌堅比姑

八旬白髮飄蕭猶甚健朗孤子成人庭訓極嚴得勿失學婦之力也子名德清歷充旗官吏建國後得任本旗內務科長卒於任次孫輩二人又復就學於中等學校婦享高齡含笑以歿噫可風矣

節婦 本旗察爾森屯民婦教舍他木者台吉雲端之妾也年甫花信雲端夫婦相繼故去婦甘孀居以己之無出也撫育孀出遺子道爾吉養之教之并為娶婦道爾吉年屆三旬夫婦亦相尋亡故子然一身凄苦萬狀然守節不渝為道爾吉過繼族人子名丹巴麟沁者為嗣用續宗祧雲氏宗支不絕如縷婦之功也丹巴稍長俾入塾就學得充本旗官吏而婦老矣現年六十有九猶含貽弄孫健在無恙如此苦節撫孤可勵未俗也

節婦 芙英者察爾森民婦也年二十八夫以疾亡遺一子家
貧無養瞻婦甘寡居守志昕夕操作謀博蠅頭以育孤兒比兒長
為授室今已子孫繞膝然而數十年茹苦含辛如一日鄉里無間
言婦現年屆花甲猶嘗媿々自道其經過云



第五章 物產

本旗地近酷寒生產極少飛潛動植較諸溫熱之區大有遜色然山巒重疊安知不蘊精英河沼縱橫將來亦資灌溉獸蹄鳥跡隨處可尋林野農田方在擴大故以現在言人為生產不如天然物產之豐以將來言則天然物產終難敵人為生產之富也茲姑志本旗物產以作鑿往徵來之基準

第一節 農產

本旗地域既寬土質亦沃然所墾地不及百分之二三棄利於地良可慨也自康德建元之後旗當局極謀農業之發展成效頗有可觀然人民限於財力仍難充分開闢所幸耕種技藝較前稍

有進步試志之以測其效果

第一項 農業品類

農產物收穫額及耕作面積統計表

勞圖克別		普通		備考
第一勞圖克	大	農產物	耕作面積	
〃	其他豆類	二二、五〇	一六、四五	
〃	高粱	三七、〇〇	五五、五〇	
〃	穀子	五七、二九〇	八五九、三五	
〃	包米	三七三、五〇	五六〇、二五	
〃	糜子	四〇、二六〇	四〇、二六〇	
〃	蕎麥	二一〇、〇〇	二一〇、〇〇	
〃	大豆	一四三、五〇 _垧	一七二、二〇 _石	

〃	計	一七六三〇〇	二二七六〇〇	
努圖克別	特 農 產 物	用 作 付 面 積	收 獲 額	備 考
第一努圖克	菸	二六〇	一三〇〇〇〇 <small>斤</small>	
〃	小 麻 子	一五九〇	一一一三	
〃	蘇 子	五三〇	一二五六	
〃	芝 麻	一六〇	〇六〇	
〃	計	二四八〇	一三〇〇〇〇 一四三八	
努圖克別	蔬 農 產 物	兼 作 付 面 積	收 獲 額	備 考
第一努圖克	馬 鈴 薯	一八八〇	五六四〇〇〇 <small>斤</small>	
〃	蔬 菜 類	二五一〇	二五一〇〇〇〇	

第二努圖克

菸

三〇〇

一五〇〇〇〇斤

備考

計

三〇〇

一五〇〇〇〇

努圖克別

園

農作物

藝

作付面積

收穫

物額

備

考

第二努圖克

蔬菜類

三九〇〇均

三九〇〇〇〇〇斤

計

三九〇〇

三九〇〇〇〇〇

努圖克別

普

農作物

通

作付面積

收穫

物額

備

考

第三努圖克

大豆

二二六〇〇均

三三九〇〇石

其他豆類

一八五〇

九三五

高糧

二三〇〇〇

三四五〇〇

穀子

三三二〇〇

六六四〇〇

包米

一六五、〇〇

二四七、五〇

備考

糜子

一八八、〇〇

一八八、〇〇

備考

蕎麥

九六、〇〇

九六、〇〇

備考

計

一、二五五、五〇

一、八八八、七五

備考

努圖克別

特

用

作

物

備

考

第三努圖克

小麻子

農作物

作付面積

收穫額

七、五〇向

五、二五右

備考

計

七、五〇

五、二五

備考

努圖克別

普

通

作

物

備

考

農作物

作付面積

收穫額

第四努圖克

大豆

六八〇、〇〇向

一、〇二〇、〇〇右

備考

其他豆類

八〇、〇〇

四〇、〇〇

備考

〃	高	九二〇、〇〇〇	一三八〇、〇〇〇	
〃	谷子	九八〇、〇〇〇	一九六〇、〇〇〇	
〃	包米	三五〇、〇〇〇	五二五、〇〇〇	
〃	糜子	四五〇、〇〇〇	四五〇、〇〇〇	
〃	蕎麥	四八〇、〇〇〇	四八〇、〇〇〇	
〃	計	二九四〇、〇〇〇	五八五五、〇〇〇	
努圖克別	特用作物	作物面積	收穫額	備考
第四努圖克	小麻子	八七、〇〇 <small>狗</small>	六〇、九〇 <small>石</small>	
〃	計	八七、〇〇	六〇、九〇	

第二項 農事試驗場

本旗為促進農業改良種籽計於康德二年春設立農事試驗場因旗費不足僅撥地六垧傭工頭一名工人二名至主任及雇員等辦事人員則以旗公署職員兼之是年省發到種籽已過播種之期故至秋成績不佳康德三年省方注意及此嚴令舉辦且為擬具預算數額並令改稱試種農場本旗稍加擴充置備牛車建築工房又蒙省撥犁具銳意試作劃成旱田畦田兩區種植頗有可觀青苗極旺迥異常田詎夏末忽遭水雹摧殘殆盡損失甚大康德四年改由旗公署產業股直接管理與指導關於試種及種籽消毒種子改良施肥殺蟲等必要事項罔不極力講求成績稍優於前康德五年更擴大範圍新墾地十垧種苜蓿草此後更

擬強化試作區域以達成提高旗農作業程度不久當能實現也

第二節 動物

第一項 家畜

家畜統計表

		勢 圖 別		家 畜 別				
第一	一六三	一〇八二	一五八	二二〇	三〇二	九	八四九	
第二	一四七	一〇三九	六〇	一三九	二五三	五	一〇一八	
第三	二〇四	三五五	一〇七二	三七五	一三六	一三	三三八	
第四	四〇三	六四二	五八二	一三九	二八〇	一五	一一九四	
合計	九一七	三二八	一八七二	九七三	九七一	四二	三三九九	
								備 考

第二項 家禽

家禽調查表

康德五年九月末

努圖克別種 名數

目備

考

第一 鷄

鴨 鵝

第二 鷄

一〇二九

鴨 鵝

三一

第三 鷄

三三八

鴨 鵝

九

第四 鷄

七一〇

”	鴨	鵝	一二
合計			

第三項 野獸

黃羊 其形如綿羊毛色作草黃故名黃羊肉可食旗境東北部殊

多動至千百不等行甚速

熊 形似犬而粗大毛長月小性殘體夯本境不多見

麇 比羊稍大肉殊鮮美皮毛甚厚春秋毛軟不折可以製衣

禦寒冬時毛長易折反無用途

鹿 俗名馬鹿春夏之交其角為茸為補藥上品冬季之胎亦

藥品皮可製衣物肉為食品上選近年冬季鹿尾尤價昂

亦食品也

野猪 形似家豚齒長皮紉不易獵取至秋害禾穀本境近年甚
多肉可食皮可製器

貉 身小嘴尖皮毛軟紉冬季拔去大毛為貉絨溫暖異常乃
裘衣上選也在榛地生者毛色紅葦地生者毛色青普通
以紅色為佳

兔 耳大腿長行甚速皮薄毛細可製禦寒帽俗呼山兔近有
豢之以農村副業者其肉嗜食者甚少

獭 水陸兩棲物也故名水獭身細長不可多見獵取亦較難
獭皮價甚昂因獭絨為禦寒上品且美觀也

狐 分火狐草狐沙狐三種其皮冬季為裘美而暖故價殊昂

火狐毛色紅為最上草狐毛色紅黃沙狐則毛色近青黃亦易折斯下品矣

狨 遍身之毛堅硬為絨形比貓略大遇危急縮作團頭尾均

藏茸然一團觸之刺手其肉有食之者甚肥比之小肥豬

云

鼯鼠 俗名黃鼠郎亦名黃皮子本境甚多首小身長皮毛作黃

色長毛可製水筆皮可薰色作禦寒品

狼 形似犬口大尾長兩耳直豎性殘喜食生物農村畜類往

之受害其皮冬季得之可為禦寒品

捨剝 形同狐而大過之冬期大雪後毛粉黃色有黑圓點為製
裘佳品

第四項 野禽

野鷄、野鴨、雁、烏、喜鵲、鷓鴣、小燕、家雀、山雀、
鐵雀、鸛鶉、沙鷄、鴉、百靈、鷺鷥、翡翠、鶴、鵝、鷹

第三節 山產

第一項 山貨

杏核 本境通山野杏至夏結實人民擷取去其肉為杏核歷年
產額甚巨惟一經野火延燒來年即不結杏近來由交易
局收售人民免轉輸之苦矣

榛子 北部所產甚多近尚未得統計產量

白蘑 蒙地白蘑氣味佳厚無殊口外但產量極少

木耳 北部林野中甚多但旗民採取者少故產量難知

雲盤蘑 其大如箕色白肉厚食之亞於白蘑年產甚多

柳蘑 較元蘑味美惟不可多得

花蘑 產量亦多然採蘑期正值農忙多為境外人得去

第二項 毛皮

曩者本旗之毛皮產量毫無統制致年出若干不得知也近以成立交易局關於大宗毛皮出品如羊毛等概須由交易局收買而轉售與滿洲羊毛同業會其他皮毛則以出產無多歸所有者

自由買賣不加限制是以對於種類產量迄未得的確統計僅據
調查估計約如左表

毛皮分類統計表

種類	產量	單價	說明
緬羊毛	二三八六斤	上等 七二 下等 六〇	為羊毛同業會所定價格
山羊毛	七〇三斤	上等 八〇 下等 三五	〃
緬羊皮	六〇〇張	三〇〇	平均額
山羊皮	二五〇張	一六〇	〃
牛皮	四〇〇張	一六〇〇	大小平均
馬皮	七〇張	八〇〇	近以牲畜防病進步倒斃日減

明

狐皮	八〇張	一八〇〇	冬季價約如上數春夏秋時僅值六七元
狼皮	三〇張	一三〇〇	年宋火藥統制獵戶日少故出產亦減
獺皮	五張	四〇〇〇	本旗為紫色水獺故價較昂
兔皮	五〇〇張	二〇	
猞猁皮	二張	二五〇〇	年有三張五張不等因是類甚少
黃羊皮	二〇〇張	八〇	
麇皮	七〇張	一〇〇	春秋時皮名青紅皮較冬季價昂
貉皮	二〇張	一三〇〇	產於榛柴者佳餘因毛色淺淡
鹿皮	張		年中有無難必故不能約計
犬皮	四〇張	六〇〇	寒時者佳餘季僅值三四元

雞皮

一六張

九〇〇人脚雞皮可值十二三元

第三項 藥材

青木香 狼毒 鹿鞭 赤芍藥 鬧洋花 菁本 白

芍藥 益母草 遠志 黃芩 苦參 蒲公英 冬

青 防風 石菖蒲 草烏 甘草 杏仁 地丁

元 芩 蒺藜 荊 苜 陳 貫 金 馬 蘭 花 透 骨 草 鹿

茸 薄 荷 白 頭 翁 野 承 蕈 石 花 旋 覆 花 鹿

胎 艾 葉 狐 狸 心 萊 服 子 蔓 荆 子 寒 水 石 紫 草

狸 皮 紅 花 菊 花 斬 龍 草 車 前 子 葵 花

玫 瑰 花 窩 牛 黃 連 柿 蒂 乾 鹿 角 連 翹 龍

衣 小茴香 柴 胡 洋金花

第四節 水產

第一項 漁業

旗境河川以洮兒河水為最大泡沼則水之大小視雨水為斷自康德元年以還東部多雨河泡產魚驟巨業漁者獲利無算康德四年後泡沼涸竭河流亦小出魚無幾矣大抵旗境捕魚多在暖時所得鮮鱗或自食或銷當地無運售境外之可能及至冬季捕魚者甚少因水凍之後垂釣難能而河底之石礁木根觸處皆是無法撒網也

洮河下游安鎮兩縣已故地中河流及沿河兩岸各三十六弓

（舊度）為本旗未放地域故康德元年以降沿河網坊計十六座由本旗征收漁網捐每戶五十圓康德三年安鎮兩縣以該流漁戶在其行政區域內征捐遂發生問題本旗以捐項應屬於縣方爾後遂放置不問同時旗東部之特莫起泡和熱期台泡哈拉泡因雨水積聚產魚甚多康德三年後水涸無魚矣故當時各泡附近居民捕魚者運魚者紛々攘々一時獲利頗大茲將捕魚之方法器具志之如左

捕魚方法

器具

說

明

釣魚 桿子繩 鈎

鈎置繩端繩置桿端向緩流垂鈎

掛魚掛

網繫網於水之兩岸驅魚撞網而掛之

拉魚拉網以網攔流而行

罩魚魚罟俗名鬚籠魚入不得出

懶釣繩釣以繩端繫兩岸中垂釣數十晚置早收

打魚陷網以手掄網而取魚

叉魚魚叉伺魚游行以叉中傷之可釣而得

第二項 魚類

種名產量價值輸出額備考

鯉魚不詳一六〇〇不詳價格以百斤計算(舊衡)

鯽魚同八〇〇同

鮭魚同八〇〇同

赤稍魚

同

八〇〇

同

價格以百斤計算(舊銜)

第三項 鱗介

水族除各種魚類外猶有龜鼈河川多泡沼無之至蝦蟳等以魚小而寒絕不生產

旗民多不喜食龜鼈以故捕得輒復放於水中生殖甚多康德三年旗外人民有請求捕捉者旋以征捐關係作罷近復有鮮民某來旗請求本旗以大量捕漁須先請示省方許可未能率然照准現猶在進行中也

第五節 金石

本旗山巒層疊當蘊礦產然自昔未經開發依然奧秘從前屯

墾軍時代曾有辦礦之傳然旋即潰退所謂何礦究不得知滿洲建國後各地之礦業如雨後春筍應時而興中央對本旗亦亟派技師迭次查勘據聞金煤水晶蘊藏極富想不久當能實施開發也茲惟就現狀志之

第一項 石產

在旗境第二努圖克二十家子後山所產石質可以為器故康熙四年旗外民羅某請開石場營業招匠工作所出碾磨碾槽等品銷售甚速現猶賡續進行將來地方發展戶口增多則出品益當暢銷也

第二項 金屬

旗北部金山屯一帶產飛金即作大赤金頁用以文飾匾額器皿者也每當晴空日映大地則燦耀生光其浮於地表尚然若此然則蓄藏量可以想見惜迄未議及開採僅附近村民得之用書聯額棄利於地良可惜也

第六節 手工品

物質文明視乎科學之進步科學昌明在乎文化之發達本旗曩以文化低下一切物質樸陋無文工藝技巧殆難數見然蒙旗既自為生活不仰給外人其日用物品必有可觀者茲姑將手工品之犖犖者列舉如左

勒々車 全車木製簡單輕易現猶使用之一牛之力即可運

物

布靴 堅固異常着之輕快冬棉春秋以夾絨等革製

蒙古包 圓形尖頂內以木外以毡製成用時倉卒可以架設

遷移時收作一束搬運甚易

馬鞍子 農村自製之馬鞍較工匠所作可無遜色而華美過

之

熟皮 生皮使熟或製為革經水不爛遇熱不硬較滿人之

工匠所熟差強况非專藝殆普通均能事也

帽子 或以布或以毛製式樣不同

繡佛 所繡佛像栩栩欲活大抵均以絲為之

織 緜 婦女織緜花樣鮮整細賦頗為出色

玩 具 以硬木所製各種玩具極精巧

第七節 文藝

文乃載道之具也可以證古今通內外啓人知成人德而或詆為雕蟲小技淺視之矣蒙文之興概在元初厥後代有文士含英咀華啓矚振賸自立國於大都更分道以揚鑲閔牆之隙而兵爭之禍烈文學掃地胥在斯時迨清室崛起本旗建制維時側重武功遑論文藝然而傑出之才代不乏人述事紀實亦詳且備所惜變亂迭更散佚殆盡輒近又迫於生計無暇學問以故可傳文字搜求良艱吉光片羽亦覺其可珍東鱗西爪不厭其煩屑撫拾已

往實茲文苑昭示將來用勵後學

第一項 文詞

王公福晉冊命

歷代公爵及福晉之襲封也朝廷頒給榮誥多係滿洲文字今本旗識者幾無惟間有漢文典麗堂皇頗堪莊誦今者各旗王公爵號業已納還國家矣世運推移滄桑變幻封建遺蛻宛若劫灰所可窺見一斑者祇斷簡遺文耳是有一紀價值也爰志其一二

拉公之福晉誥命

奉

天承運

皇帝制曰禮隆藩服龍光式荷夫殊恩瑞啓中闈象服宜霑乎闔
澤既昭內治用錫恩施咨爾科爾沁扎薩克鎮國公拉什敏珠爾
之嫡妻博爾濟吉特氏賦性柔嘉秉心淑慎女宗禮洽着宜室之
芳型內則職嫺相維藩之令德爰稽彛典誕昇崇封是用封爾為
鎮國公夫人錫之誥命於戲盡婦職而著徽音輝流彤管端壺儀
而延景福彩煥銀泥勗爾懿修膺茲多祉欽哉

光緒

年

月

日

已公之榮命

大總統令

夫時代雖殊功德弗替斯國典所宜尊崇也哲里木盟科爾沁右翼後旗扎薩克鎮國公拉什敏珠爾病故無嗣所遺爵職本大總統依待遇滿蒙條件第三項以伊過繼子巴彥那木爾承襲其務表率齊民翊贊治化以懋厥功尚敬之哉

中華民國十年一月八日

蒙譯紅樓夢說部

本旗管旗章京蘇克都爾次甫良傑建國後改任旗公署總務科長氏曩昔曾以滿洲文紅樓夢說部為藍本譯蒙文比付欵刷風行各旗均誇為蒙文中有數文字

壽啟

康德三年秋旗警官包氏有母八旬擬為母祝嘏設華筵欲
徧邀戚好臨賀藉博母歡囑余作啓余不文又不獲辭倉卒
飮餽殊刺目尤不宜竄入志乘第念人逾八秩而精神矍鑠子
承歡而孝思可感克此時此地或有紀載價值亦後之觀風者
所欲知也爰志如次

竊惟承懽養志孝貴豫悅親心敬老褒賢國有表彰令典而况
壽躋耄耄無僂僂龍鍾之容德稱鄉黨饒媵陸仁慈之雅堪稱國
先人瑞尚未邀天府之褒揚允為閭範家慶是宜效菜衣之舞彩
○○一介武夫十年失怙賴慈悻之鞠育猶憶午夜之機聲趨庭

前之訓悔每感平沙之荻跡所愧學問無成未克揚名以顯親差
幸立身有道輒欲全忠以代孝弟恨騰達莫卜將何以報劬勞惟
願壽筵長開藉可稍博歡笑家母吳氏系出名門儀堪矜式以半
生之茹苦撫滿月之子孫際斯熙皞盛世適晉八秩正壽更喜安
傲松柏五官百骸無恙爰趁今歲誕辰○月○日祝淑務懇成好
寅誼屆期枉駕賁臨所望仁人達士不惜撝芬錫藻藉彼珠璣增
蓬畢之輝光投我木桃添海屋之鶴算是以孝思錫類之用心而
鯁生承歡所切願也敬備菲觥佇候先臨泐蕪肅佈不盡縷々

第二項 歌曲

本旗警務科長博彥圖曩在札賚特旗勤務地曾譜滿江紅

調作蒙古歌一闋聲音悲壯詞意蒼涼傳誦一時在蒙旗文
化未振之今日亦難數觀之文字也故徵而志之

登興安嶺 看四方烟沙大作 想當年成吉思汗功業巍峨

德被歐亞非三洲 列強賓服稱黃禍 到後來外患繼踵侵

風雲惡 洪十策 稱族削 民元後 主權奪 嘆江山割據

裔胄衰落 今幸滿洲施王道 興安省內樂春歌 願同心

猛進前程路 助協和

察爾森國民優級學校、長劉釗康德三年製校歌成令
生徒按譜歌之內多勗勉可紀也故志之

塞上桃李煥夏邊 滋榮時雨春風前 青年青年 及時修業

著先鞭 切莫辜負好時間 師長教 父兄錢 國惠君恩如
地天 盟邦更支援 東亞開樂園 願滿日一德同心 力抗
狂瀾

第三項 對聯

今國務總理張景惠贈小西參事官聯

政者正也子率以正 民為邦本大啓我邦

中村延太郎少佐井杉震太郎曹長於滿洲事變前漫遊東

蒙行經本旗慘遭屯墾軍毒手舉世震憤遂激成九一八事

變迨我新國肇基為崇德報功在二烈士殉難地建碑立墓

本旗年一祀焉於七週慰靈祭日為聯以軌之聯如次

旗長巴彥那木爾輓聯

於今豪傑為神想當年慘禍騫遭萬里江山皆雨泣
所幸滿洲建國到現在民生安堵七年覆幘盡公恩

參事官片倉進輓聯

七載賦招魂可惜白日青年竟慘遭軍閥毒手
三年官斯土每當清風明月輒憑吊烈士英靈

王爺廟在鄉軍人會輓聯

銜命走間關曷期慘禍忽臨洮水索山胥暗淡
捨身全義烈贏得袍澤同慨素車白馬吊忠魂

旗公署職員一同輓聯

為人先尊犧牲一身展開十六省輿圖公等無慚班都護
作國元勳流傳百代拯救三千萬民衆吾儕不推馬伏波

本旗已故參事官村永益美於康德二年冬杪蒞任品端學
粹官民莫不欽仰且擅長滿文滿語對人無所隔閡詎至三
年九月七日猝遘暴疾仙逝地方識與不識莫不哀之開吊
之日各為輓聯以表悼惜聯如次

旗長已彥那木爾輓聯

半載喜相逢如師如友方期共濟

一朝成永訣同德同心更望何人

參事官中倉進輓聯

萬里感同舟典型有資蕭規曹隨方圖治
一暝傷分手老成頓杳索山洮水亦銷魂

旗職員一同輓聯

為日滿提攜大業夙夜孜孜憂勞傷人竟不起
作蒙旗指導良規官民依々塵寰撒手實堪悲

村永故參事官週年慰靈祭各輓聯如次

旗長已彥那木爾輓聯

半載協恭一旦撒手仙遊頓失依昇

週年佈奠千秋甘棠遺愛追悼英魂

參事官片倉進輓聯

蒙部同聚旗務分担憂勞成痼疾寘堪回首
鄉情繫念僚誼闕懷死生別經年能不傷心

旗職員一同輓聯

東瀛名士北滿宣勞南省服官西旗盡瘁一夕成千古黃葉秋風
空洒淚

先達品望後進良規國家循吏人民懷德週歲憶昨年素旛白旒
賦招魂

科右後旗志

共四冊

盧伯航撰

一九六五年內蒙古圖書館據偽滿鉛印本

傳鈔

劉驩君誌

